

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Martin Ugalde kultur parkea 20140 Andoain

Etorkizun jasangarriaren alde

Patxi Navas (Tolosako OARGI, Alpino Uzturre eta Aralarko Adiskideen izenean)

Arrazoi asko dira abiadura handiko trenaren proiektua gizartearen aurkako, ekologiaren aurkako eta natur baliabideen xahutzaile bihurtzen dutenak, eta AHTren proiektua erabat baztertzera eramaten gaituztenak. Europako eta bertako agintariak hazkunde ekonomikoa eta naturari egindako kalteak banatu egin behar direla esaten dute. Dena dela, lehena sakratutzat jotzen dute, eta bigarrena, aldiz, «gutxieneko gaitz» moduan ulertzen jarraitzen dute. Era horretan, gure lurraldea globalizazio kapitalistan oinarritzen den okupazio

bortitza ari da jasaten (garraioak eta merkantziak banatzeko jarduera logistikoak). Haren garapenak ez du inolaz ere errespetatzen ingurumen ekologikoan nahiz gizartearen eragiten duen etengabeko galera.

Gure orografia ikusita, tunelak (Aralarren 11 kilometrokoa), mozketak, lubetak, euste-hormak, biaduktuak eta makroharrobia (Gaztelukoa?) egin beharko dira AHTren ibilbiderako. Horrek, hidrologia sisteman eragingo duten eta lur emankor eta ekosistema ugari suntsituko dituzten lur masa handiak mugitzeaz gain, hondakindegia handiak eraikitzea dakar. Ondorioz, zenbait auzo, baserri, baso, mendi, ibai eta gainerakoak desagertuko lirateke.

Eusko Jaurlaritzako Alvaro Amann

Herri Lanetako sailburuak esan zuen moduan: «Ingurumenean oso eragin gogorra izango du». Garapenaren prezioa, deitzen diote. Euskal Herriak ez du inondik inora AHTrik behar! Horren ordez, trenbide sarea eta garraio publiko osoa egokitzearen aldeko apustu sendoa egin beharko lukete agintariak.


Abiadura handiko trenaren proiektua modu inposatzailean bultzatu da, informazioaren batere gardentasunik gabe eta biztanleen eta udalerrien interesak eta nahiak kontuan hartu gabe. Ugariak dira azterketa geoteknikoak egiteko baimenik eman ez duten udalak, baserritar eta lurjabeak.

Udalerriak eta herritarrek proiektuari azaldu dioten aurkakotasuna errespetatzeko exijitu nahi dugu. Halaber, azpie-

gitura horrek edo interes lokal kolektiboen aurka jo dezakeen beste edozeinek ukituko dituzten udalerriek ezetz esateko eskubidea izan dezatela eskatzen dugu.

Horrengatik guztiagatik, Eusko Jaurlaritzari abiadura handiko trenaren proiektua berehala gelditu dezan aldarrikatu nahi diogu. Bide batez, gaur arratsaldean AHT Gelditu inposaketarik ez leloaren pean Tolosan egingo den manifestazio nazionalerako deialdia egiten dizuegu. Hitzordua arratsaldeko 18:00etan da, Triangulo enparantzatik abiatuta. Abiadura handiko trenaren aurka gaudela adierazteaz gain, benetan etorkizun jasangarri bat eraiki ahal izateko gizartearen aldaketa sakona egin beharra dagoela ere aldarrikatuko dugu.

montxo



galdeiozu... ?

hirusta

Itziar Madina

Idea bateratuak



CARLOS CATALAN

Jorge Oteizaren ordezkaria

Konponbiderako aukerarik ba al dago Fundazioko sektore ofizialarekin?

Pello Aranalde (Donostia)

Egoera itzuli ezineko puntura iritsi dela esan daiteke. Difamazio eta irain gehiegi daude tartean. Gainera, izaera totalitarioa duen jendea dugun aurrean. Gure aldetik, konpromiso formulak aurkeztu genituen jendaurrean, eta Fundazioaren erabakietarako gehiengo kualifikatua ezartzea proposatu genuen. Corpas jaunak, ordea, irtenbide guztiak gutxietsi eta baztertu egin zituen. Erabateko kontrola nahi dute, eta bost axola zaie Oteiza eta bere obra. Horixe da.



Lur idor eta harritsuan, eguzki bortitzaren azpian gizonak ikusi zuena ezinezkoa iduri zitzaion: esku-mutur bat erdi gorde-rik; esku gaztea eraztunek politagotua, hilotza. Alacanteko mendian izan zen, duela zenbait urte, *Alcaserko neskatoen* heriotzaren aurkikuntza. Gazteak bortxatu eta desagerrarazi zituztenek beste mundurako zigorra behar zutela zioen, aho batez, jendarte osoak. Frantzian, aldiz, sexuarekin zerikusia duten bortxakeria edo hilketek presondegi-zigor luzeak hartzen dituzte, eta joan den urtarrilaren 16a arte, ADNren zehaztea, Arrasto Genetikoen Fitxategi Nazionalan. Geroztik pribilegioa galdu dute, eta orain, gogoztaturiko hilketaz, edo terrorismoaz akusatu ez gain, txosten genetikoan sartzen dira ere jendeak nola ontasunak hunki nahi zituen larritasun bat egin dutenak. Inor, haur edo heldu bortxatzea ezin onartuzkoa, baina, zenbat gezur

eta moral bikoitz! Jende guztiak bateratzen dira begi-bistakoa dena gaitzesteko, ahantziz horren azpian dagoen mutzidura. Sexua bezalako taburik ez baita gure artean, zilegitasuna lortzen du genetikoki markatzeak. Hasierako txaloak isilarazirik, oharkabean, besteetara hedatzeko erraza den neurria da. Jose Manuel Martin Medem kazetariak haurren trafikoz egin duen liburuan irakur daitekeen gisan, komertzio hitza aipatzen duen eleberria ezin ateraz luzaz ari zen Eugenio Aguirre mexikar idazlea. Eta azkenean, kritikak esan zuen haren liburua: «*Los niños de colores* nazismoaren nola Hego Amerikako torturazailer gupidagabeenei ileak puntan emanen dizkion fenomeno etiko-sozial baten lehen literatura-salaketa da. Alta, Lehen Munduko Jendeen eskubideen eta norberaren askatasunen defendatzaile sutsuak omen diren herrietan da hori gauzatzen».

Otsailaren 4tik aurrera **Josu Egireun • Hemen eta Munduan erakundearen Porto Alegreko ordezkaria** izango da Galdeiozu ataleko gonbidatua. Bidali zure galderak ordurako. galdeiozu@egunkaria.com